

EAJk ez duela nazionalismoaren utzikeria egin dio Arzalluzek

DONOSTIA

Maiatzeko hauteskunde ondo-
ren «Herri Batasunarekin egon diren
kolaborazioak atzerapausoa dira»,
Xabier Arzalluzen ustez. Ajuria
Eneako Hitzarmenerako. «Gauza ez
da HB zokoratzea, elkarrekin ezin
dugula egon eta ezta inolako kolabo-
raziorik eduki ere garbi uztea baizik»
adierazi dio Euzko Alderdi Jeltza-
leko lehendakariak Vasco Press agen-
tziari. EAJk PSE-PSOErekin egin
duen akordio orokorra dela eta, beste
alternatibarik ez zegoela azaltzen du
buruzagi jeltzaleak.

Okerrena pasa dela eta garai onak
datozela bere alderdiarentzat uste du
Xabier Arzalluzek. Madrilekin ha-
rreman ona izan nahi duela dio, «go-
bernu zentralarekin haserre ibiltzea
txarra da guztiontzat». Bestalde,
ukatu egin du EAJk nazionalismoa-
ren utzikeria egin duenik. «Zerbaitek
kontzientzia nazionalista badu, he-
rria maila guztietan defendatzea da,
ekonomiari beste gauza askotako oi-
narri bezala duen garrantzia ema-
nez» uste du EAJko lehendakariak.

EAJ-PSOE hitzarmenak, jeltzale
eta Gasteizko Jaurarlitzako beste bi
alderdien arteko harremanetan era-
gina izango ote duen ez dakiela dio
Xabier Arzalluzek. «Hiru alderdiek
esan dugu horrek ez duela gobernu-
ko koalizioan kalterik izango, bakoit-
zak jakinaren gainean egin dezala
egiten duena» gaineratzen du.

Euskara moderatzearen gaia
(orain egun gutxi horretaz mintzo
zen), Araba eta Bizkaiko parte ba-
tzuri begira planteatuta zegoela esa-
ten du Arzalluzek. «Euskarari ez zaio
egoerak behartzea komeni» uste du.

EAK PSOErekin negoziatuko du Nafarroako Gobernurako programa

«Eskaintza aurrerakoia ziurtatzen du» esan zuen Garaikoetxeak

Eusko Alkartasunak
Nafarroako sozialistekin
negoziatuko du lurralde
honetako gobernu osatzeko
programa, atzo Iruñean
azaldu zuten. Erabakia
ostegun gauz hartu zuen
lurraldeko batzordeak,
ondoren batzarreak baietsi
zuen, eta asteburu honetan
bertan izango dira bi
alderdien arteko
negoziaketak.

A.B. / IRUÑEA

Erabaki honekin Nafarroan ze-
goen duda bakar argitu du talde
abertzaleak, hasierako joera horren
aldekua izan bazen ere, Gipuzkoan
izandako paktuek nolabait zantzan
paratu bait zuten. Gabriel Urralburuk
Nafarroako presidentea berriro iza-
teko aukerak nabarmen gehitzen ba-
dira ere, ikusi beharko da negoziaketa-
k nondik nora doazen, EAKo era-
bakia ez bait zen aho batez hartuta.
Izan ere, funtsezkotzat jo zuten iturri
abertzaleek Garaikoetxearen pre-
sentsia Batzordean, elkarriketak
onartzeko.

Carlos Garaikoetxea EAKo
lehendakariak atzo azaldu zuenez,
erabakia hartzeko orduan, Nafarroa
osoarentzako programarik hoberena
lortzeko taldeak duen erantzukizuna
funtsezkoa izan da, «iragandako go-
bernuarekin baztertuta egon diren nahi
eta gogo asko jaso eta aurrera eraman
ahal izateko». Horretarako, behar
beharrezkotzat jo zuen sozialisten-
gan harrera ona izatea, «bereziki

kultur arloan, orain arte ez bait dira
behar bezala zaindu eta babestu».
EAKo mandatariak, hala ere, nego-
ziazioa ez zela horretara murriztuko
argitu zuen, baina ez zituen puntuak
zehaztu «gure mahaikidekiko begi-
runeagatik eta gure kartak goizegi ez
azaltzeko».

**HBKO
ERANTZUKIZUN
HANDIA**

Garaikoetxeak
behin eta berriro
azpimarratu
zuen «programa aurrerakoia lor-
tzearen garrantzia», eta horregatik
justifikatu zuen PSNrekin negoziatze-
ko erabakia, «haiek direlako au-
kera hori ziurtatzen duten bakarrak.
UPNk ez du horrelakorik eskaintzen
eta gainera gurekin negoziatzeko
prest ez daudela adierazi dute». Ha-

laber, Parlamenturako mahaiaren
osaketarako negoziaketei «bigarren
mailakoak» eritzi zizkion Garai-
koetxeak.

Kontseilartzaren bat lortzen ez
direla bereziki ahaleginduko esan
zuen ere EAKo lehendakariak,
«lehendabiziz programa aurrerakoia
ziurtatu behar dugulako, eta ondoren
ikusiko dugu nola gauzatu daitekeen
programa hori, bai gobernuako hi-
tzarmen baten bidez, edo gobernuan
parte zuzena hartuz».

Herri Batasunaren jarrera azter-
terakoan, talde honek «bai EAEn,
bai Nafarroan, erantzukizun handia»
zuela adierazi zuen Garaikoetxeak,
baina ez zen talde honekin mintza-
tzera prest agertu «banatzen gaituz-
ten hesiak direla eta».



Garaikoetxea Fermin Ziaurritz eta Iñaki Cabases nafar parlamentariarekin. EFE

Nafarroako Parlamenturako HBren proposamenarekin ados UPN eta IU

I.I. / IRUÑEA

HBk eta IUK bilera bat izan
zuten atzo arratsaldean Iruñean
HBk Nafarroako Parlamentuari
buruzko egin duen proposamenaz
hitzegiteko. Bi alderdiak ados
daude Parlamentu mahaian alder-
di guztien ordezkariarekin osatze-
ko, beren ustez horrela bakarrik
lortu bait daiteke politika aurre-
rakoia. Halaber Juan Cruz Allik
alderdi abertzalearen proposa-
mena positiboa iruditzen zitzaioela
esan zuen Iruñeko irati bati egin-
dako adierazpenetan.

IURI egokia iruditzen zaio Na-
farroako bost alderdi parlamen-
tariak ordezkatuak egotea Parla-
mentuko mahaian, bainan ez du
onartzen mahaiburua UPNkoa
izatea, HBk esaten duen bezala.
IU alderdiko ordezkariak adierazi
duenez, HBk erakundetan parte
hartu dezala nahi dute, «horrela
ezker indartu egingo delako».
Prest daude guztiekin hitzegiteko
«gure ustez zilegitasuna hautes-
tontzik ematen bait dute, eta Na-
farroan HB hirugarren indar poli-
tikoa delako». Felix Tabernak

esan duenez, IU, PSN, EA eta
HBren arteko akordioa lortzea
zaila da. Argi utzi du ere sozialis-
tekin akordio batera iritsiko balira
puntuala izanen zela: «esanda-
koan mantentzen gara eta inbes-
tidura bozketan abstenitu egingen
gara».

Adolfo Araiz HBko parla-
mentariaren ustez bere formula
demokratikoa da «alderdi
guztiak ordezkatuak egon di-
relako eta talde aurrerakoien pre-
sentsia gehiago izanen delako».
Araizek adierazi duenez «politika
aurrerakoia egitea Parlamentua-
ren eskuan dago eta ez hainbeste
gobernuaren eskuetan». Nafa-
roako sozialistek «gauza bat esan
eta bestea egiten dutela» pentsa-
tzen dute: «badakigu, Urralburu-
ren baimenarekin zerbait mugit-
zen ari dela sozialisten artean,
bainan ez diogu botorik emanen
ez badute negoziatu nahi».

UPNko beste ordezkariak
adierazi dutenen kontra, Allik
HBren proposamenaren alde ze-
goela esan zuen atzo goizean. Ho-
rela bada Parlamentuko mahai-
burua UPNkoa izanen da.



Zutoia Michel.

Zutoia Michel atzo akreditatu zen Nafarroako Legebiltzarrean

A.B. / IRUÑEA

Zutoia Michel HBko parlamen-
tariak atzo eguerdian aurkeztu zituen
bere kredentzialak Nafarroako Par-
lamentuan, bere taldekideekin bate-
ra. Michel, Carabancheleko Pre-
sondegian dagoena, eguerdiko or-
dubiak laurden gutxietan heldu zen
Parlamentura, Poliziako kotxe ba-
tean, eta bertan ordubete eman ondo-
ren, berriro eraman zuten, nora argitu
ez bazuten ere. Parlamentaria bere
alabarekin egon zen momentu batez,
baina ez zioten utzi inolako azalpe-
nik egiten.

Akreditatu ondoren, Alfredo
Araiz HBko parlamentariak salatu
zuen «Forzaingoak eta Presonde-
giatarako Zuzendaritza Orokorrak
paratu dituzten oztopoak Zutoia Mi-
chelek dituen eskubideak galazteko»,
eta «neurritz kanpokotzat» jo
zituen Parlamentuaren barruan izan
ziren segurtasun neurriak. Araizek
adierazi zuenez, «HBk hemendik
aurrera saiaturako da eskubide horiek
errespetatu daitezkeen, eta beste edozein
parlamentariak dituen eskubide ber-
berak izan ditzan, behintzat Parla-
mentuaren barruan». HBk eskatu
duen Nafarroako Epaitegiaren alde-
ko inibiziorako prozesua aurrera
doala azaldu zuen Araizek.

Polizia alerta egoeran jarri dute Gipuzkoan

DONOSTIA

Estatu Segurtasun Indarrak alerta
egoeran daude Gipuzkoan, PSOEko
buruzagiren batek atentaturen bat
jasan dezakeelakoan, Vasco Press
agentziak galdetutako «borroka an-
titerroistako» iturriek adieraztera
eman dutenez.

Alerta herenegun piztu zen. Antza
denez, eta polizi zerbitzuek lortutako
informazio konfidentzialaren ara-
bera, PSOEko buruzagiren baten
kontrato atentatua prestatzen ari
daiteke. Horrenbestez, alderdi ho-
netako buruzagiei zein bestelako
kargudun publikoei egoeraren berri
eta kontutan izan beharreko zenbait
segurtasun neurri jakin erazi zaie.

Mehatxua Euskal Autonomi El-
karte osora zabaltu badaiteke ere,
segurtasun indarren iritzi arriskurik
handiena Gipuzkoan omen dago.


EEren exekutibak bi jarrera kontrajarri eztabaidatu ditu

BILBO

Gipuzkoako diputatu nagusiaren
hautaketa dela eta Euskadiko Ezke-
rrako buruzagiek duten jarrera kon-
trajarria bateratzen saiatu zen atzo
alderdi honetako batzorde exekuti-
boa. Oro har hauteskunde ondorengo
paktu politika eta alderdiak aurreran-
tzean izango duen jarrera aztertu
behar bazen ere, Gipuzkoako kasua
dela eta agerian gelditu diren iritzi
desberdinak argitu beharko diru EEk
atzoko bileraren ondoren.

Herri Batasunak zer egiten duen
kontutan izan gabe, EEko lau ba-
tzarkideek hautagai egokiena deri-
tzen emango diotela botoa de-
fendatu zuen Xabier Gurrutxagak,
eta atzo bertan EEko batzar exekuti-
boak Jon Larrinaga, alderdiko idaz-
kari nagusiaren proposamena ezta-
baidatu zuen, HBren botoekin inolaz
ere ez batzea defendatzen duena. Bi
jarrera kontrajarri hauek eztabaida-
tzeari ekin zion atzo arratsaldeko
bostetan Bilbon, EEko exekutibak.

HBk bere hamabi botoak EAri
ematen badizkio, EEk erabaki deza-
ke Imanol Murua, EAKo hautagaia,
edo Eli Galdos, EAJkoa izango den



Jon Larrinaga.

diputatu nagusia. Larrinaga EA eta
HBren boto batuketaren kontra azal-
du da.

Xabier Garmendia, EEko parla-
mentariak ere Larrinagaren jarrera
defendatu zuen atzo. «Ezin da esan
HBk egiten duenetik independente
jokatuko dugunik» esan zuen. EEren
barruan ez dagoela krisirik, iritzi
desberdinak baizik uste du Garmen-
diak.

Bestalde, Jon Larrinaga Ajuria
Eneako Hitzarmena lehenbailehen
biltzearen alde azaldu zen atzo.